

671.3109  
074  
12

第二冊

卷二

沿革志

卷三

疆域志  
有圖

卷四

建置志

卷五

學校志  
有圖

尉氏縣志卷二

沿革志

增尉踞中州之腹沿革分併代有明文條析少紊位置胥

乖窮源遡流證今於古庶芒芒禹蹟瞭如指掌

唐虞屬豫州夏商因之

舊志禹貢九州尉氏屬豫州

增春秋時爲鄭地竹書紀年鄭國在有熊氏之故墟羅泌

國名記曰有熊氏之開國今之新鄭路史高陽氏紀帝

之曾孫曰黎與回黎爲祝融淳耀敦芒天明地察臨照四

海是食火土黎卒帝嚳以回代之回食於吳是曰吳回生

陸終陸終生卨人陳士元姓滙黃帝之系求言却姓封

於鄆是爲鄆人其後滅於重國有偃氏鄆氏會氏僞云路  
鄆偃夷皆却姓僞侯滅於鄭

春秋時爲鄭地

增竹書紀年晉文侯二年同王子多父伐鄆克之乃居鄭

父之邱名之曰鄭是爲桓公 皇甫士安帝王世紀或言

新鄭縣故有熊氏之墟黃帝之所都也鄭氏徙居之

接周平王東遷鄭徙居於鄭地仍其西周采邑之名鄭舊食采

之邑在陝西漢中府南鄭縣咸林  
卽在其地以咸林在新鄭者誤因爲鄭國傳二十三世

至康公竹書紀年晉文侯十四年鄭人滅虢十六年鄭人

遷於溱洧據國語史伯之語鄭地前莘後河右洛左濟主

芟隗而食溱洧鄆蔽補丹依隍歷莘皆爲鄭地鄭滅於韓

史記韓世家哀侯二年爲周烈王之元年韓滅鄭徙都  
鄭 索隱曰韓旣滅鄭國改號爲鄭故韓惠王亦曰鄭惠  
王國策頓弱曰韓天下之嚙喉鄭天下之胷腹

秦屬三川郡

文獻通考秦滅韓分天下爲三十六郡豫州爲郡五日三  
川郡曰碭郡曰潁川郡曰南郡尉氏始置縣屬三川郡

西漢屬陳留郡

東漢屬河南尹

三國屬陳留國

魏屬陳留國

晉屬陳留國

南朝宋屬秦郡

元嘉八年以平邱併尉氏

後魏屬陳留郡

東魏屬開封郡

北齊廢縣

南齊僑置新昌郡 齊郡

按南齊時建都江左偏安一隅舊日豫州郡邑淪入於魏而南土所隸之邑每因北人南徙新立區域郡邑仍多北土之名而僑置之新昌郡齊郡地皆在南而齊郡初治更在海中建元中移置瓜步與尉氏渺不相蒙以既有其名不得不附列於此

後周屬汴梁

隋屬潁川郡

開皇六年復置

唐屬汴州陳留郡

本隸潁川郡王世充置尉州武德四年廢以尉氏扶溝鄆  
置洧州并置康陰新汲苑陵歸化四縣貞觀元年州廢省

康陰新汲歸化以扶溝鄆陵隸許州尉氏來屬 又開封

縣貞觀元年省入浚儀延和元年復析浚儀尉氏復置有

湛渠載初元年引汴注白溝以通曹兗賦租有福源池卽

池 天寶六載更名禁漁採

宋屬開封

金屬開封

元屬汴梁路

明屬開封府

國朝因之

按尉邑疆域歷漢迄唐屢有分併苑陵縣舊城在邑之西北唐任環移治古山氏城則在邑之西南六十里外故也苑陵爲鄭大夫射犬食邑王莽時爲左亭東漢仍爲苑陵屬司州隸河南尹晉併新鄭入焉而屬司州部劉宋以苑陵屬司州滎陽郡元魏興安初廢尉氏縣以其地入苑陵太安三年復置尉氏縣真君八年廢開封縣并入苑陵景明元年復置開封縣後魏省新鄭入苑陵東魏以苑陵屬


豫州廣武郡後齊復廢尉氏入苑陵隋開皇六年復置尉氏十六年復置新鄭廢苑陵入之唐武德四年置洧州於尉氏領尉氏扶溝鄆陵康陰新汲歸化等七縣貞觀元年州廢并省康陰新汲苑陵歸化四縣而洧川亦併入尉氏宋置宋樓鎮於此

按舊志以尉氏夏商以前有壤無名或分屬於諸小國厥後鄭併諸國始隸於鄭而以爲邑之命名起於尉繚子夫夏商以前未必無名特名不可考耳至漢書陳留郡尉氏應劭曰古獄官曰尉氏鄭之別獄也臣瓚曰鄭大夫尉氏之邑也故遂以爲邑師古曰鄭大夫尉氏亦以掌獄之官故爲族耳左傳欒盈曰盈將歸死於尉氏則尉氏爲獄官



之名無疑矣。鄭道元水經注云長明溝又東經尉氏縣故城南。圈稱云尉氏鄭國之東鄙。樊獄官名也。鄭大夫尉氏之邑。馬端臨文獻通考云尉氏爲鄭大夫尉氏之邑。邑有蓬池。鄭之建國故城在尉氏之西百餘里。確係鄭之東鄙。而長明溝蓬池皆在其地。再左傳襄公十年鄭尉止與司氏堵氏侯氏子師氏作亂殺子駟子產帥師殺尉止。其子翩奔宋。鄭人納賄於宋得翩而醢之。旣云鄭之東鄙又云鄭之別獄則鄭大夫尉其姓者當卽樊獄之官。因官以爲氏而邑之名緣以起。如臣瓚之說也。是尉氏之名不但始於尉繚抑且不始於尉止。不得如蒲州之猗氏以猗頓名真定之元氏以公子元名之類也。顧以尉繚故居於此。

而謂邑之命名原始於繚復援俗傳城東北隅一土阜爲  
尉繚之看花臺梳粧臺爲據名既不雅馴而又無所考涉  
於誣矣。又謂尉止之父。子俱以亂誅。不應有食邑。似亦有  
辨鄭之建國肇於桓武。至子產秉鄭政時。歷有年所矣。尉  
氏之命官與食邑。應在尉止之先人。故流傳斯名也。豈其  
子孫覆亡。而其地之名亦與之俱亡乎。矧止父子雖見殺。  
其有後於鄭。無後於鄭。未可必也。且言郡縣之名。始於秦。  
顧左氏已有夷於九縣之文矣。文獻通考所謂始置縣者。  
謂方定其疆域。非謂始命是名也。故謂尉氏尉繚曾居於  
此。則可謂名肇於繚。似與左傳漢書水經注文獻通考之  
說不合。故歷引其說。而參以管見。以俟博古君子。



封建 舊志缺

秦併天下廢封建改爲三十六郡漢興雖復其制而地之疆域非三代之舊矣漢以後僅襲其名置守令以治之非各君其國各子其民如三代時也尉春秋前屬諸小國至鄭徙居始屬鄭鄭併於韓鄭與韓皆非實封於此多由侵奪得之故不採入而以漢始

漢高后元年封楚元王子爲平陸侯國光武元年以戶不滿三千罷爲尉氏之陵樹鄉

漢章帝建初四年封執金吾馬光爲新汲侯

按新汲本洧川舊名以後併入尉氏故採入

漢成帝封趙敬王子丙爲尉侯子犢襲封坐酎金免

漢建安中封尙書荀攸爲陵樹鄉侯

晉武帝封華恒爲苑陵縣公

恒以尙武帝女封又以討王敦功封苑陵縣侯子俊孫仰之嗣

唐太宗封子憚爲蔣王

尉之封建可稽者僅此。又夏寒泥氏伯明氏之讒子處其子澆於過。獍於戈。少康滅澆於過。后杼滅獍於戈。戈在宋鄭之間。尉雖在宋鄭之交。而戈無可考。又開封縣舊城在汴梁之西南九十里外。蓬池在其西北。則開封縣故城應在尉氏。考漢高帝曾封右司馬陶舍爲侯國。卽其地。今蓬池故蹟在尉城東北。似開封縣亦應採入。但未能確指其

墟故附列於此。

又鍾城舊志以爲鍾繇侯封縣長社人封定陵侯諸史并無鍾城之名舊志引石刻爲據石刻每以舊文傳書法非必封於此地但尉與長社密邇或其別居因以爲名亦未可知以爲侯封恐無確見

